

Referat frå årsmøte i Fogn grendalag - 15. mars 2024

Stad: Fogn Oppvekstsenter

Klokka: 18.00-20.00

I overkant av 30 medlemmar møtte opp

Sak 1 - Val av møteleiar, referent og to til å godkjenna referatet

Møteleiar: Ole Klingsheim

Referent: Håvard Østhus

Godkjenning av referat: Pål Rune Grønås og Øyvind Sandanger

Sak 2 - Årsmelding og rekneskap

Ole Klingsheim la fram årsmeldinga som vart vedteken med akklamasjon.

Christoffer Inge Hovda la fram rekneskapen som vart vedteke med akklamasjon. Noko av grunnen til at tala er raude i år, er at Grendalaget har lagt ut for ein del stein, der også andre lag skal bidra med finansieringa.

Sak 3 - Prioriterte område for grendalaget i 2024

Ole Klingsheim orienterte om at styret, per no, hadde desse prioriterte områdene:

- Samferdsel og båtruter
- Dagsturhytte og stinettet
- Kraftliner over Fogn

Fylgjande innspel til styret kom frå medlemmar i møtet:

- Skilting bør komme på plass frå Sæbøvåg til Dagsturhytta, og ned igjen.
- Parkeringsplassar i tilknytning til turstinettet bør skiltast i større grad.
- Kan vi få til ei ordning med bysyklar på Fogn, liknande slik det er i Stavanger og på Nord-Jæren? Det har vore dialog om dette før, og dei har fått noko til på Sjernarøy. Styret blir oppfordra til å ta kontakt med Kolumbus.

Sak 4 - Andre innkomne forslag/ymse

Ingenting var kome inn her

Sak 5 - Val av nytt styre, leiar, revisor og valnemnd

Heidi Bø Sangedal frå valnemnda leia dei ulike vala, der alt vart vedteke med akklamasjon.

Styremedlemmer for 2 år:

- Ona Batutiene
- Jon Olav Runestad
- Wictor Juul

Leiar for 1 år:

- Wictor Juul

Til info har desse 1 år att i styret:

- Trond Egil Sivertsen
- Liv Bottolfs
- Oddny Kjølvik
- Ole Klingsheim

Valnemnd:

- Tone Østhus, leiar, 1 år att
- Kristoffer Øshus, 2 år att
- Else Jorunn Løland, 3 år att (ny)

Revisor:

- Ottar Sandanger

Sak 6 - Temasaker med kort oppdatering frå ulike personar + innspel frå medlemmane

- TURSTIANE OG STIEN FRÅ KAIEN v/Oddny Kjølvik og Jakob Bø
 - Oddny: Eiga gruppe som har hatt, og vil ha, dugnadar på dagtid i tilknytning til turstiane på Fogn. Kjekke samlingar med mat/kaffi mot slutten, ofte på Dagsturhytta. Lov å koma med forslag til nye stiar, Sulsøy er mellom anna spelt inn her. Info om dugnadar kjem etterkvart på Fogn.org.
 - Jakob: Stein er kjøpt inn med tanke på stien frå kaien og opp til byggefeltet i Liane. Trond Egil, Jon Olav og Jakob har planlagt, og folk kan gjerne bli med både på planlegging og dugnadar, som det etterkvart blir kalt inn til.
 - Innspel frå salen: Oppfordrer turstigruppa til å sjå kva som kan gjerast på dei partia som er veldig blaute/sørpete. Mogleg med fleire plattingar?
 - Innspel frå salen: Mogleg å ha nokre enkle båtar liggande fast i Sulsøy, slik at folk som går dit enkelt kan koma seg vidare til Rossøy der det er både flott tursti og gode bade/grillmoglegheiter?
- KRAFTLINE OVER FOGN v/Jon Olav Runestad
 - Det politiske miljøet ynskjer å grave ned, men Lyse er innstilt på å gå for luftspenn, som skal vere rimelegare. Stavanger kommune vurderer å ta kosten ved behov. Det vil vera ny synfaring i mai månad.
- SAMFERDSEL (Øyfast og båtruter) v/Øyvind Sandanger

- Eiga gruppe jobbar framleis for Øyfast. Øyvind er med i denne gruppa.
 - Arnstein og Øyvind har stått på når det kjem til rutekutt, og mellom anna fått på plass nytt anløp kl. 19.00, for å erstatta anløpet kl. 18.15, som vi mista. Det er også sendt innspel til framtidige behov knytta til nytt hurtigbåtanbud.
 - Ferjerutene står framleis fast i 6-7 år til, men vi må vere på vakt når det er tid for ruteendringar. Fogn har flest personbileiningar av alle øyane.
 - Viktig å stilla på møtet om ferjesaka (innføring av betaling) på tysdag kl. 18.00 på Fogn oppvekstsenter.
- VANDREMIDDAG v/Håvard Østhus
 - Fogn IL, Helselaget, Grendalaget, Kyrkja og Bedehuset vil arrangera vandremiddag også i år. Men arrangementet blir flytta til hausten, sidan det skjer så pass mykje anna på våren. Dette er ikkje "Kokkekamp", men ein god anledning til å få, og gå på besøk til folk ein ikkje er med til vanleg. Meir info kjem, men noter datoen laurdag 14. september!
- BOKSKAP OG BIBLIOTEK v/Merete Meling Kindingstad
 - Merete orienterte om korleis ordninga med utlån av bøker frå automaten ved Joker Fogn fungerte. Har ein tilgong her, kan ein også låna bøker ved andre automatar og biblioteker i heile Noreg. Ho fortalte også om andre tilbod på og i regi av biblioteket på Finnøy.
- JOKER FOGN v/Pål Rune Grønås
 - Takk for god respons på spørjeundersøking som vart sendt ut nyleg, over 160 svar! Mykje skryt av service og rein/ryddig butikk. Det folk er mest misfornøgde med er prisane. Viktig å understreke at det er like prisar for alle Jokerbutikkar i heile Noreg, men prisane endrar seg gjerne fleire gonger til dagen. Å bli Kiwi er uaktuelt, til det er omsetninga alt for låg.
 - Det er relativt stor handelslekkasje på Fogn. Norgesgruppen sikter mot lojalitet på omlag 85%, på Fogn har ein rekna ut at lojaliteten er på omlag 57%.
 - Omsetninga har gått ned med 10-15% i same periode som prisauken i Noreg har vore omlag 20%. Samanlikna med 2021 var 2023 eit dårleg år.
 - Vurderer innføring av auka opningstider med delvis sjølvbetent butikk som også kan vere open seine kveldar og på "raude dagar".
 - Joker Fogn er drivverdig, dersom lojaliteten er stor nok.
 - Innspel frå salen: Butikken er veldig viktig og dei som driv den gjer ein kjempejobb!
 - Innspel frå salen: Bua utanfor er ein viktig møteplass for mange. Bra at dei som gjerne arbeider ein og ein har ein plass å møtast til lunsjen. Bra folkehelseiltak også på ettermiddagstid.
 - Innspel frå salen: Vi har prøvd å vere utan butikk på Fogn, det er ingen god situasjon å vere i. Vi må unngå at det skjer igjen, og vere lojale overfor butikken, sjølv om det kostar litt meir å handle der.

- Innspel frå salen: Viktig å vere lojale overfor butikken, men ynskjer ikkje at den skal vere open på raude dagar. Folk kan gjere unna handelen på kvardagar/laurdagar, og heller ha ein roligere dag på søndag/raude dagar.
- Innspel frå salen: Viktig at det ikkje blir snakka ned når folk handlar på tilbod. Tilboda er til for å få folk til butikken, og så er det butikken si oppgåve å få dei til å også handla varer til ordinær pris når dei er innom.

- ANDRE INNSPEL
 - Heidi Bø Sangedal informerte om gudsteneste på dagsturhytta søndag 7. april kl. 17.00.
 - Pia Myrvold informerte om The Fogn Experience, der det mellom anna er laga ny nettside. Ho saka også Facebook-sida om kjøp og sal på Fogn, og håper denne blir tatt tak i igjen, i ei eller anna form.
 - Svein Østhus informerte om at han og Jon Arne Helgøy arrangerer solskinnstur til Lysefjorden onsdag 5. juni. Framleis 15 ledige plassar, ta kontakt med Svein.

Møte slutt kl. 20.15.

Referent: Håvard Østhus

Referat er godkjent av Pål Rune Grønås og Øyvind Sandanger